

大佛頂首楞嚴經十

奉豐題卷

康德二年十月十五日印刷
康德二年十一月五日發行

書名

發行人

繕書人

印刷人

發行所

印刷所

(定價每部國幣十元)

大佛頂首楞嚴經

住址奉天省城小南關紅

王

奉

豐

記字會街道慈雜誌社

住址奉天省城東門裏南

談

道

桓

葦行興仁縣胡同四號

住址奉天鐘樓南路東

李

柱

石

萃斌閣印刷書店

住址奉天小南關紅記字會街

道

慈雜誌

社

自動電話四四八一號

住址奉天鐘樓南路東

萃

斌

閣

自動電話三七八六號

大佛頂如來密因修證了
義諸菩薩萬行首楞嚴經
卷第十

唐天竺沙門般刺密

帝譯

烏菴國沙門彌伽釋

迦譯語

菩薩戒弟子前正議

大夫同中書門下平

章事清河房融筆受

阿難彼善男子修三摩提

想陰盡者是人平常夢想

銷滅寤寐恒一覺明虛靜
猶如晴空無復麤重前塵
影事觀諸世間大地山河
如鏡鑑明來無所黏過無
蹤跡虛受照應了罔陳習
唯一精真生滅根元從此



披露見諸十方十二衆生
畢殫其類雖未通其各命
由緒見同生基猶如野馬
熠熠清擾為浮根塵究竟
樞穴此則名為行陰區宇
若此清擾熠熠元性性入

元澄一澄元習如波瀾滅
化為澄水名行陰盡是人
則能超眾生濁觀其所由
幽隱妄想以為其本阿難
當知是得正知奢摩他中
諸善男子凝明正心十類

天魔不得其便方得精研
窮生類本於本類中生元
露者觀彼幽清圓擾動元
於圓元中起計度者是人
墜入二無因論一者是人
見本無因何以故是人既

得生機全破垂於眼根八
百功德見八萬劫所有眾
生業流灣環死此生彼祇
見眾生輪迴其處八萬劫
外冥無所觀便作是解此
等世間十方眾生八萬劫

來無因自有由此計度亡
正徧知墮落外道惑菩提
性二者是人見未無因何
以故是人於生既見其根
知人生人悟鳥生鳥鳥從
來黑鵠從來白人天本豎

畜生本橫白非洗成黑非
染造從八萬劫無復改移
今盡此形亦復如是而我
本來不見菩提云何更有
成菩提事當知今日一切
物象皆本無因由此計度



二正徧知墮落外道惑菩提性是則名為第一外道立無因論阿難是三摩中諸善男子凝明正心魔不得便窮生類本觀彼幽清常擾動元於圓常中起計

度者是人墜入四偏常論

一者是人窮心境性二處

無因修習能知二萬劫中

十方眾生所有生滅咸皆

循環不曾散失計以為常

二者是人窮四大元四性

常住修習能知四萬劫中
十方衆生所有生滅咸皆
體恒不曾散失計以為常
三者是人窮盡六根末那
執受心意識中本元由處
性常恒故修習能知八萬

劫中一切眾生循環不失
本來常住窮不失性計以
為常四者是人既盡想元
生理更無流止運轉生滅
想心今已永滅理中自然
成不生滅因心所度計以

為常由此計常亡正徧知
墮落外道惑菩提性是則
名為第二外道立圓常論
又三摩中諸善男子堅凝
正心魔不得便窮生類本
觀彼幽清常擾動元於自

他中起計度者是人墜入
四顛倒見一分無常一分
常論一者是人觀妙明心
徧十方界湛然以為究竟
神我從是則計我徧十方
凝明不動一切眾生於我

